

節
序
日
考

節序日考卷三目錄

七月

先天節

天清節

左廂節

雙星節

雙蓮節

羅綺節

牛女節

女節

田了節

中元節

廣聖節

坤城節

鬼燈節

八月

天醫節

手譚節

千秋節

天長節

天安節

元成節

中秋節

團圓節

清節

咸寧節

萬年節

九月

天壽節

地平天成節

乾和節

重明節

吹花節

茱萸節

陽數節

菊花節

陶令節

秋金節

泛菊節

應聖節

明聖節

袴襦節

天清節

天瑞節

十月

永寧節

餽餽節

燒衣節

鬼節

寒衣節

乾明節

壽寧節

天寧節

慶成節

延慶節

下元節

天祐節

瑞慶節

大明節

天授節

天興節

降聖節

天符節

十一月

天誕節

天應節

越裳節

寶應節

天竺節

十二月

承天節

仁壽節

勃泥歲節

興龍節

浴佛節

星迴節

萬壽節

交年節

千齡節

送窮節

節序日考卷三

休寧徐卓荀

七月

先天節

宋史真宗以七月初一日聖祖降爲先天節

卓攷事物紀原以爲閏十月初一日聖祖下降爲先天節

天清節

遼史景宗紀有司請以帝生日爲天清節從之七月辛

未天清節

卓攷是年七月爲丙寅朔辛未則六日也

左廂節

廣月令七月初六日爲左廂節

雙星節

女紅餘志雙星節七夕也

雙蓮節

賈子語林陳豐與葛勃屢通音問歡合未由七月初七日豐以青蓮子十枚寄勃勃啗未竟墜一子於水盆中

有喜鵲過惡污其上勃遂棄之明早有並蒂花開於水面如梅花大勃喜曰吾事濟矣取置几頭數日始謝房亦漸長剖之各得實五枚如豐來數卽書其意以報豐自此鄉人改雙星節爲雙蓮節

羅綺節

韻玉七月七日羅綺之節類函七月七日爲綺節

牛女節

文天祥詩燕席巧臨牛女節謂七月七日也

女節

歲時瑣事七月七夕爲女節陳瓜果祀天孫以乞巧

田了節

嶺南隨筆七月十四日東莞爲田了節以其時新穀始升也兒童折蘆管吹之謂之吹田了

中元節

大明一統賦注七月十五日爲中元節僧家有盂蘭有司祭無祀鬼神

廣聖節

錄異記蜀乾德元年七月十五日庚辰降誕廣聖節棚

口鎮將王彥徽於羅真人宮內得白龜以進

坤成節

宋史宣仁高后七月十六日生立坤成節

鬼燈節

清閑供七月十八日爲鬼燈節

八月

天醫節

潛居錄八月朔日以盥盛取樹葉露研辰砂以牙筋染點身上百病俱消謂之天灸古人以此日爲天醫節祭

黃帝峻伯宋孝武殷淑姬恒當額點之謂之天粧顏色
倍常

手譚節

廣月令八月初四日爲手譚節

千秋節

隋唐嘉話源乾曜張說以八月初五日今上生之日請
爲千秋節百姓祭皆就此日名爲賽白帝羣臣上萬歲
壽王公戚里進金鏡綬帶士庶結絲承露囊更相遺問
山堂肆考八月初五日唐明皇生張說等奉詔置千秋

節

卓攷玉海唐元宗開元四年上封事者言壽星居列宿之長宜置壽星壇勅七月二十六日爲千秋節祭老人星據會要嘉話皆載八月初五日爲千秋節然元宗八月五日詩張說千秋節應制杜工部八月五日千秋節有感二首皆云八月初五日云七月二十六日者當係玉海之誤

天長節

唐寶錄天寶七載蕭照等請改千秋節爲天長節從之

天安節

遼史重熙元年八月丙午皇子洪基生是爲道宗有司請以帝生日爲天安節

卓攷是年八月爲庚子朔則丙午爲八月初七日

元成節

宋史禮志徽宗政和三年以八月初九日青華帝君生辰爲元成節

中秋節

膳夫錄汴中節食中秋翫月羹

團圓節

帝京景物畧八月十五日女歸寧是日必返其夫家曰團圓節也

清節

陳后山中秋詩向老逢清節歸懷記素輝

咸寧節

宣和奉使高麗圖經王侯以八月十七日生謂之咸寧節其日大會公族貴臣近侍於長慶殿中國賈人之在館者亦遣官爲館伴用華夷三部樂

萬年節

金史金哀宗於八月二十三日生於翼邸以生日爲萬年節

九月

天壽節

金史金章宗明昌四年九月甲子朔天壽節御大安殿受親王百官及宋高麗夏使朝賀

卓攷月令廣義周恭帝以八月初四日生亦爲天壽節

地平天成節

揮塵錄唐肅宗於九月三日生爲地平天成節

乾和節

天中記唐哀帝以九月初三生於大內中號乾和節羣臣表曰陛下九五飛龍四大應運國稱利見天表殊休當誕聖之日感真人以御室居在藩之際實羽客以獻符敢循故典爰定美文

重明節

宋史禮志光宗以九月四日爲重明節

吹花節

廣月令九月初九日爲吹花節

茱萸節

月令精鈔九月九日爲茱萸節杜甫詩茱萸節侯新張
說詩西楚茱萸節淮南戲馬臺

陽數節

月令精鈔九月九日又爲陽數節梁簡文詩是節協陽
數

菊花節

月令廣義九月九日爲菊花節王維送崔興宗詩方同
菊花節相待洛陽扉

陶令節

唐庚九月詩重陽陶令節單闕買生年

秋金節

晉書九月九日馬射或云秋金之節武習射象立秋之
禮

泛菊節

縹緗封類九月九日爲泛菊節

應聖節

月令廣義後唐莊宗於九月九日生爲應聖節

卓攷遼史重熙九年三月辛未以皇太后生日爲應聖節又攷是年三月朔爲乙卯則辛未爲十七日

明聖節

月令廣義宋末帝生於九月十二日爲明聖節

袴襦節

唐庚九月二十三日天氣始寒詩漸逼袴襦節稍聞灰

火香

天清節

玉海周世宗九月二十四日生名天清節百寮上表曰
壽邱降跡爰符出震之期里社應祥式契承乾之運侯
屬澄河時當降聖鰈水鷄林望堯雲而獻祝桓圭穀璧
趨禹會以駿奔請以二十四爲天清節所冀金相玉振
負寶歷以彌新地久天長煥文編而不朽從之

卓攷金史金太宗天會二年十月戊午以生日爲天
清節又攷是年十月爲甲辰朔則戊午爲十五日

天瑞節

視聽抄宋少帝辛未九月二十八日生號天瑞節

十月

永寧節

遼史遼太宗天顯三年有司請以皇太后生日爲永寧節冬十月癸卯朔以永寧節上率羣臣上壽於延和殿

餽餽節

廣月令後集十月初一日以米爲團祀告冬是日爲餽餽節

燒衣節

歲時瑣事十月朔俗名燒衣節

鬼節

歲時瑣事十月朔又名鬼節人無貧富皆祭其先士大夫家墓祭如寒食

寒衣節

歲時瑣事十月朔日祭先塋如清明名曰寒衣節

乾明節

合璧事類宋太宗太平興國二年以十月初七日爲乾明節羣臣上壽崇德殿表云乾元發祥萬物資始以聖

繼聖謂之大明順合二義之稱用表無疆之慶

卓攷天中記載宋太宗乾明節爲十月十七日

壽寧節

宋史禮志太宗以十月七日爲乾明節尋復改爲壽寧節

天寧節

異聞錄宋徽宗五月五日生以俗忌因改作十月十日
生宰臣章惇等請立爲天寧節表云詩紀生民易稱出
震時惟陽月瑞集樞星肇開震夙之祥永御光華之旦

離明繼照敷同四海之歡天德出寧請祝萬年之壽

慶成節

舊唐書太和七年十月壬辰上降誕日僧徒道士講論於麟德殿翼日宰相路隨等奏誕日齋會誠資景福臣伏見開元十七年張說源乾曜請以誕日爲千秋節內外宴樂以慶昌期頗爲得禮上深然之宰臣因十月十日爲慶成節上誕日也從之開成二年又勅慶成節宜令京兆尹准上巳重陽例於曲江會文武大僚

卓按上謂唐文宗也

延慶節

天中記唐文宗太和七年十月十四日宣宗生懿宗於藩邸以其日爲延慶節

下元節

道書十月十五日爲下元節搜采異聞錄太平興國五年十月下元節京城始張燈如上元之日

天祐節

宋史禮志寧宗以十月十九日爲天祐節

瑞慶節

宋史禮志寧宗于十月十九日生爲天祐節尋改爲瑞慶節

大明節

五代史梁太祖於十月二十一日生爲大明節

天授節

遼史遼太宗天顯三年有司請以上生日爲天授節十月甲子天授節上御五鸞殿受羣臣及諸國使賀卓攷是年十月爲癸卯朔則甲子爲二十二日

天興節

月令廣義唐代宗於十月二十三日生爲天興節

卓攷遼史天祚皇帝生日亦名天興節

降聖節

宋朝會要大中祥符五年閏十月詔以十月二十四日
聖祖降延恩殿日爲降聖節

卓攷唐會要唐會昌元年二月十五日詔我聖祖降
誕昌辰宜改爲降聖節則降聖之號唐武宗先以名
節宋用唐事也

卓又攷宋史禮志大中祥符元年以聖祖十二月二

十四日降延恩殿日爲降聖節

天符節

宋史徽宗政和二年以十月二十五日爲天符節

卓攷翰墨大全九月二十五日南極現長生大帝爲
天符節與宋史互異必係傳寫之誤然當以史爲正
十一月

天誕節

廣月令十一月初一日爲天誕節

天應節

宋史禮志徽宗政和三年十一月初六日祀昊天上帝于圜丘太師蔡京奏天神降格實爲大慶乞付史館帝手詔播告天下御製天真示現記尋以天神降日爲天應節

越裳節

通考古城國卽古越裳氏風俗以十一月十五日爲冬至節人皆相賀州縣以土產物帛獻其王

寶應節

紀異唐肅宗元年十一月十六夜女尼真如遇二皂衣

引見天帝授寶令進天子帝召代宗授之卽日以寶應
紀節

天竺節

清閑供天竺以十一月十六日爲至節

十二月

承天節

天中記初乾德五年五星如聯珠聚於奎當魯分從鎮
星辰見東方占曰有德受慶大人奄有四方子孫蕃昌
明年元德皇后李氏夢以裙承日有娠十二月二日生

真宗於開封第赤光照室左食指有文成天字至道三年卽位以生日爲承天節羣臣上壽於崇德殿於是晏殊作承天節述聖賦楊億作承天節頌

仁壽節

南唐書烈祖初受禪以十二月初二日爲仁壽節

勃泥歲節

宋史外國傳勃泥國以十二月七日爲歲節勃泥地熱多風雨國人宴會鳴鼓吹笛擊鈸歌舞爲樂無器皿以竹編貝多葉爲器盛食食訖棄之王所居室覆以貝多

葉民舍覆以草其地無麥有麻稻無蠶用古貝花織成布飲椰子酒

興龍節

合璧事類哲宗諱煦神宗第六子母曰欽聖皇后朱氏熙寧九年十二月七日生於宮中赤光照室及即位羣臣請以十二月七日爲興龍節表云斐曰儲祥預席有開之慶奉符踐阼適丁利見之期上批答曰赤斷錫符獲成洪緒冬成肅物用紀誕辰鄉等對揚甲觀之祥願上興龍之節既以申盛禮於兩宮亦以同懽心於萬國

卓攷天中記後以僖祖忌改初八日爲興龍節

浴佛節

留青集十二月初八日爲浴佛節諸寺作浴佛會以諸
果品五穀煮粥名臘八粥

星廻節

玉溪編事南詔以十二月十六日爲星廻節登避風臺
命清平官賦詩畧曰避風善開臺極目見藤越忽爾古
與今依然烟與月自我居震旦翊衛賴稷契不覺歲云
暮感極星廻節元昶同一心子孫堪貽厥注云彼國謂

詞臣曰清平官謂天子爲震且謂朕爲元謂卽爲昶藤
越國名

萬壽節

玉海唐莊宗於十二月二十二日生爲萬壽節

卓攷金史熙宗七月七日生以同皇考忌日改用正
月十七日亦名萬壽節

交年節

歲時記十二月二十四日爲交年節以酒果供窻門謂
之醉司窻裏燃燈謂之照虛耗

千齡節

遼史遼聖宗統和元年有司請以帝生日爲千齡節從之十二月戊申千齡節祭日月禮畢百僚稱賀

卓攷統和元年十二月爲壬午朔則戊申爲二十七日

送窮節

瓊州志以除夕之夜爲送窮節

卓攷四時寶鑑云正月晦日爲送窮連平志云正月三日人多埽積塵於箕並加做帚委諸岐頭以送窮

各處風俗不同然日窮於次月窮於紀王賓詩云守
得歲來慵攬鏡送將窮去自裝船以除夕送窮頗爲
近理

節序日考卷四目錄

正月

元日

上日

正日

端日

鷄日

天倉開日

書雲日

犬日

猪日

田本命日

小年朝

羊日

牛日

破五日

馬日

人日

穀日

上八日

集聖辰

元神日

天官賜福辰

耗磨日

落燈夜

登高日

放偷日

展上元

秋收日

天饑日

填倉日

二月

代晦日

竹壽日

擡龍頭日

迎富日

上工日

竹本命日

百花生日

勸農日

小分龍日

三月

大昕日

重三日

芍藥晨

麥生日

展上巳

黃姑浸種日

白龍生日

四月

正陽日

回陽日

供佛日

地破日

菖蒲日

浣花日

小割

五月

錢財日

早禾本命日

端一日

端二日

端三日

端四日

端五日

重五日

賜衣日

龍生日

竹生日

竹迷日

天地合日

造化萬物日

大分龍日

六月

朝真日

清暑日

文明日

半除日

七月

亞清明

三會日

牛生日

秋禊日

校籍辰

陳棉花生日

籐杆生日

八月

六神日

發標晨

天鳴日

竹醉日

鹽生日

滷生日

牡丹生日

天然元宵

移花日

湖日

神會日

稻稿日

會事日

九月

皇極日

重九日

息日

落帽辰

九九辰

小重陽

釘鞋生日

展重陽

十月

陰祀日

靴生日

龍聚日

五風生日

注生籍日

湏樂日

三元日

解厄日

第三元宵

寒婆生日

會經日

露日

暗除日

十一月

啟福辰

硬復日

十二月

報福日

百福日

天竺臘日

無忌日

大盡日

全歸日

匝匝日

亂絲日

小節夜

司會日

大節夜

節序日考卷四

休寧徐卓菑牖著

正月

元日

書經月正月日

上日

玉燭寶典正月爲端月一日爲元日亦日上日

正日

崔宴月令正月一日七十二候之初三百六旬之始是

謂正日先祀祖禰進酒降神畢集家人以次列於先祖之前子婦曾孫各上椒酒於家長稱觴舉壽

端日

歲華紀麗元日爲端日

鷄日

方朔占書正月一日主鷄是日晴則宜鷄

天倉開日

月令廣義正月初一日爲天倉開日宜學道

書雲曰

縹緗對類元旦爲書雲日

犬日

方朔占書正月二日主犬是日晴則宜犬

猪日

方朔占書正月三日主猪是日晴則宜猪

田本命日

研北雜志世謂正月三日爲田本命浙西人謂之夏正
三言夏正之三日俗以是日稱水以重爲上有年驗之
信然

小年朝

歲時瑣事正月初三日謂之小年朝仍燒松棚於圍爐
中

羊日

方朔占書正月四日主羊是日晴則宜羊

牛日

方朔占書正月五日主牛是日晴則宜牛

破五日

歲時瑣事正月初五日俗呼爲破五日欲有所作爲必

過此日始行之

馬日

方朔占書正月六日主馬是日晴則宜馬

人日

方朔占書正月七日主人是日晴則宜人

穀日

月令廣義正月八日爲穀日是日晴和主有歲夜雨吉

上八日

通考正月八日爲上八日是日雨應元宵亦雨

集聖辰

道書正月十三日爲三元集聖之辰

元神日

真經正月十五日爲元神日是日人神滿身切戒夫婦同寢

天官賜福辰

西湖遊覽志俗子以上元爲天官賜福之辰

耗磨日

野記正月十六日古謂之耗磨日官私不開倉庫張說

詩云上月今朝減流傳耗磨辰還將不事事同醉俗中
人

落燈夜

陶朱公書十六日謂之落燈夜晴主高低皆熟東南風
水鄉好西北風主旱

登高日

廣月令正月十六日爲登高日

放偷日

雜記金與元俗正月十六日謂之放偷日是日各家嚴

備遇盜至則笑而遣之雖妻女鬻貨爲盜所竊亦不之罪

展上元

月令廣義正月十七日爲展上元

秋收日

通書正月二十日爲秋收日晴主秋成百果蕃盛

天飢日

拾遺志江東俗正月二十日又謂之天飢日

填倉日

歲時瑣事正月十九日爲小填倉二十一日爲填倉日
費財必謹卽人口亦不輕令出入

二月

代晦日

月令精義二月初一日爲代晦日

竹壽日

廣月令二月初二日爲竹壽日

擡龍頭日

宛署記燕都人呼二月二日爲擡龍頭日鄉民用灰自

門外蜃蛻布入宅厨繞水缸呼爲引龍回

迎富日

廣月令二月初二爲迎富日圖經萬州俗是日攜酒鼓樂郊遊飲燕暮回曰迎富

上工日

農政全書二月初二日東作興俗謂之上工日田家顧傭工之人此日乃執役之始故名曰上工

竹本命日

種樹書竹本命日二月二日也

百花生日

陶朱公書二月十二日爲百花生日無雨百花熟

勸農日

廣羣芳譜二月十五日爲勸農日

小分龍日

徐氏談薈二月二十日謂之小分龍日晴分懶龍主旱
雨分健龍主水

三月

大昕日

月令廣義季春朔日曰大昕

重三日

月令廣義今言五月五日曰重五九月九日曰重九則三月三日亦宜曰重三張說詩暮春三月日重三魏元忠詩三月重三日可據也

芍藥晨

廣月令三月初三日爲芍藥晨

麥生日

歲時瑣事三月十一日麥生日喜晴

展上巳

天中記唐文宗開成元年歸融爲京兆尹時兩公主出降府事供帳事繁又逼近上巳曲江賜宴奏取改日上巳去年重陽取九月十九日未爲失遂改十三日爲展上巳

黃姑浸種日

通考三月十六爲黃姑浸種日其日西南風生大旱上鄉人見此風卽懸百錢于簷下風力能動舉家失聲相弔言風愈急急旱也

白龍生日

歲時瑣事三月十八日龍湫山與吳之陽山多雲霧雷雨俗傳爲白龍生日

四月

正陽日

道經四月初一日爲正陽日

回陽日

月令精鈔四月初八爲回陽日四疑無陰是名陰月于是月佛浴日而陽回

供佛辰

歲時瑣事四月八日謂之供佛辰

地破日

登真隱訣四月十一爲地破日不可開山動土

菖蒲生日

陶朱公書四月十四日菖蒲生日修剪根葉積梅水以滋養之則青翠易生尤堪清目

浣花日

老學庵筆記四月十九日成都謂之浣花日遨頭宴于

杜子美草堂滄浪亭傾城皆出

小剝日

廣月令四月三十日爲小剝日

五月

錢財日

家塾事親書五月初一日不宜出錢財神樞五月初一日爲錢財日宜進財勿出財

早禾本命日

歲時瓊事五月朔旦爲早禾本命日尤忌雨

端一日

歲時記五月初一日爲端一日

端二日

歲時記五月初二日爲端二日

端三日

歲時記五月初三日爲端三日

端四日

歲時記五月初四日爲端四日

端五日

歲時記五月初五日爲端五日

重五日

月令廣義五月初五日故曰重五日

賜衣日

縹緗對類五月初五日爲賜衣日

龍生日

岳陽風土記岳州五月十三日謂之龍生日俗以是日

雨則歲豐

竹生日

文心雕龍竹有生日卽五月十三日

竹迷日

四民月令五月十三日謂之竹迷日栽竹多盛

天地合日

天中記五月十六日道家以爲天地合日夫婦當異寢

造化萬物日

道書五月十七日天地二炁交造化萬物之日宜慎酒
色

大分龍日

歲時瑣事烏程縣五月二十日爲大分龍郡長率僚屬
至黃龍洞祀龍神

六月

朝真日

道經六月初四日太素三元君朝真日

清暑日

道經六月初六日爲清暑日宜修清暑齋

文明日

廣月令六月初六日爲文明日

半除日

廣月令六月三十日爲半除日

七月

亞清明

廣月令七月初一日上塚燒衣爲亞清明

三會日

法天生意七月初五日爲三會日宜修迎秋齋

牛生日

歲時瑣事武定府七月七日牧童採野花插牛角謂之

賀牛生日

秋禊日

劉楨魯都賦七月十四爲秋禊日

校籍辰

道書七月十五日爲地官校籍之辰

蕎扞生日

田家五行中元日蕎扞生日雨主撩稻

陳棉花生日

歲時瑣事七月二十日諺謂陳棉花生日喜晴

八月

六神日

風俗通八月一日爲六神日以露水調朱砂蘸小指宜
點灸去百病

發標晨

廣月令八月初一日爲發標晨

天鳴日

廣月令八月初六日爲天鳴日

竹醉日

山家清事八月初八日爲竹醉日是日種竹易活

卓攷黃山谷詩夏栽醉竹餘千箇春種辰瓜滿百區
註云五月十三日竹醉宜栽竹辰日可種瓜

鹽生日

歲時瑣事八月十二日爲鹽生日

涵生日

歲時瑣事八月十三日爲涵生日雨則鹽貴

牡丹生日

清閒供八月十五牡丹生日

天然元宵

廣月令八月十五日爲天然元宵

移花日

通考八月十五爲移花日

潮日

歲時瑣事八月十八日爲潮頭生日

卓按廣月令謂是日爲潮日

神會日

道經八月十八四海龍王神會日

稻稿日

歲時瑣事八月二十四日爲稻稿日是日雨則雖得稿亦腐

會事日

道經八月二十八回天會事日

九月

皇極日

集古錄韓明府修孔子廟碑曰永壽二年歲在潁灘霜月之靈皇極之日蓋九月五日也韓名敕字叔節

重九日

月令廣義九月初九日故曰重九日

息日

搜神記有丁氏新婦者其姑嚴酷不可堪九月九日自經死江南人是日不作事謂之息日

落帽辰

歲華紀麗授衣之月落帽之辰

九九辰

全唐詩話中宗幸臨渭亭登高薛稷詩云願陪九九辰

長奉千千歷

小重陽

輦下歲時記京師士庶于重陽後一日再會謂之小重陽

釘靴生日

歲時瑣事九月十三日爲釘靴生日亦宜晴

展重陽

唐書唐文宗以九月十九日爲展重陽

十月

陰祀日

神隱十月朔乃陰祀之日宜祭祖考掃墓與清明同

靴生日

宛署記燕市賣靴人以十月初一日爲靴生日供具祭之以其陰晴卜一冬寒燠極驗

龍聚日

道書十月三日四海龍王奏水府爲龍聚日

五風生日

歲時瑣事十月五日爲五風生日漁家盛陳牲醴饗神

祠祈是月有風每五日如期而至終歲皆然可以揚帆
捕魚謂之五風信

注生籍日

月令廣義十月初六日天曹諸司五岳五帝注生籍日

涅槃日

月令廣義十月初八日爲涅槃日宜放生

三元日

明皇寶錄十月十五爲三元日令崇文學士講道德經

南華經

解厄日

廣月令十月十五日爲解厄日

第三元宵

月令精鈔十月十五日爲第三元宵

寒婆生日

農政全書十月十六日爲寒婆生日
晴主冬暖

會經日

藏經十月十九日五百羅漢會經日

霑日

通書十月二十日爲霑日中州以驗馬畜江南多不準

暗除日

廣月令十月三十日爲暗除日

十一月

啟福辰

月令廣義十一月十五日爲啟福辰

硬復日

月令精鈔十一月十五日爲硬復日

十二月

報福日

縹緗對類十二月初八日爲報福日

百福日

道書十二月十二日玉晨大道君登玉霄琳房四顧天下太素三元君朝真謂之百福日

天竺臘日

西域諸國志天竺一國以十二月十六日爲臘則麥熟

無忌日

月令精鈔十二月二十四爲無忌日

大盡日

月令精鈔十二月二十四爲大盡日

全歸日

月令精鈔十二月二十四日爲全歸日

匝匝日

月令精鈔十二月二十四日爲匝匝日

亂絲日

歲時瑣事十二月二十四日掃舍宇凡有所爲不擇憲
書多嫁娶謂之亂絲日

小節夜

乾淳歲時記禁中以臘月二十四日爲小節夜

司會日

道經十二月二十五日三清玉帝司會之日

大節夜

乾淳歲時記禁中以臘月三十日爲大節夜